





第四五一冊

四庫全書

●上海古籍出版社

本冊目次

錢塘先賢傳贊	
慶元黨禁	
宋寶祐四年登科錄	
京口耆舊傳	
昭忠錄	
敬鄉錄	
唐才子傳	
元名臣事略	

宋袁詔撰……………	一
宋不著撰人……………	一九
宋不著編人……………	四七
宋不著撰人……………	一九
元不著撰人……………	二一九
元吳師道輯……………	二五一
元辛文房撰……………	四〇九
元蘇天爵撰……………	四九七

欽定四庫全書

史部
錢塘先賢傳贊

詳校官侍讀_臣陳萬青

刑部郎中_臣許兆椿覆勘

總校官知縣_臣楊應珩

校對官編修_臣戴均元

謄錄監生_臣盛世

欽定四庫全書

史部七

錢塘先賢傳贊

傳記類三 總錄之屬

提要

_臣等謹案錢塘先賢傳贊一卷宋袁韶撰韶字彥純慶元人淳熙十三年進士授吳江丞歷叅知政事贈太師越國公事蹟具宋史本傳韶嘗知臨安府請於朝廷許由以下三十九人之祠而各為之傳贊事在寶慶丙戌至

欽定四庫全書

錢塘先賢傳贊

景定五年甲子而祠毀至正二年有呂淵者復其祠重醵傳贊後二年丙戌浙江等處儒學提學班惟志叙而行之是編猶元時舊刻所紀錄者雖止及一鄉之耆舊其中即簡謝絳等十餘人又俱見於正史然是書為宋人所撰又在元人修史之前於事實多所綜覈如東都事畧謝絳傳稱陽夏人是書稱富陽人考宋史本傳謂其先陽夏人祖懿文為杭

州監官令募富陽遂謂富陽人則是書較為得實又東都事畧終本傳不載終判吏部流內銓及太常禮院亦不載覈吏部官職田及使契丹事此書詳之又是書錢彥遠傳贊載楊懷敏妄言契丹宗真死乃除入內副都知內侍穆用信以罪竄海島赦歸遠得還衛官許懷德高年未謝事彥遠上疏極論之又言楊景宗郭永祐小人宜廢不用而東都事畧彥遠本傳不載又錢藻傳贊載藻改翰林侍讀學士知審官東院卒神宗知其貧特賻錢五十萬贈大中大夫而東都事畧藻本傳不載又錢總傳贊載王安石許用以御史總辭謝安石知不附己命權鹽鐵判官又載奉使高麗却岳王金銀器事而東都事畧總本傳不載沈遘傳贊載知開封府後遷右諫議大夫丁母憂上賜黃金百兩居喪日一食既葬

廬墓側以卒而東都事畧遘本傳不載凡此多得之故老流傳頗為詳瞻脩正史者因採以入傳故與宋史頗相脗合傳贊亦古雅可誦固非後來地志家夸飾附會之比也乾隆四十五年九月恭校上

總纂官臣紀昀臣陸錫熊臣孫士毅
總校官臣陸費墀

錢塘先賢傳贊原序

粵自寶慶丙戌歲杭牧袁公韶輯許箕公以下三十有
九人請于朝以官鑄售其地若干祠于南山少北新堤
之上樹碣以代其繪像且為之繫贊又徙其觀宇曰旌
德者隅其旁以奉之甲子適周據有其觀宇者定香緇
流也且毀其祠恣佃其祠地并仆其碣貨於揜坎者然
湖山雖在而顏墓遺址竟蕪於荒草野田至樵兒牧豎
亦能指其彷彿而惻然大夫士過而覽之者此心具有

欽定四庫全書

錢塘先賢傳贊原序

不盡傷者乎亦未知曷日可復其舊觀得慰其高山景
行之思也良士呂淵且念皇朝通制內一缺前代名人
遺迹不許拆毀事敬恭佩服久矣復徵諸圖志其盛跡
有不可斲埋者先捐已帑葺修其寺廡至正二年以所
置膏腴田五畝為本寺常業代佃其故祠地聞其於有
司每歲倍其官租錢以五十緡輸之於是盡瘁經營堂
宇廊廡悉循舊制非利祿計非子孫謀也觀者為之歎
息益重其成功之不易易也吁昔寶慶之初此也以其

德行可師節繫可法功業可尚至內而女師亦可睹其

軌範於名教不為小補使感於心者得之於目焉今呂

氏以嚮者得之於目至於老而不忘於心仍以三十九

人繫贊錢諸梓非徒為士民游觀之具且使其心抑有

所感慕於無窮然人心天理人所具有吾不知昔之毀

壞者為何心也雖然初之者有司也復之者已帑也然

其事之昔今孰難孰易昭然不可誣呂不唯此也外置其

山地一十五頃歲時以供祀享然故祠田畝為羽流蔽

欽定四庫全書

錢塘先賢傳贊原序

匿亦且經理而復其固有焉余因其復得舊圖本而重

刊其事軌序其始末於前序之後庶來者知有所考云

皆至正丙戌上巳日奉政大夫江浙等處儒學提舉班

惟志序

欽定四庫全書

錢塘先賢傳贊

宋 袁詔 撰

陶唐許其公

公字仲武諱由隱於箕山師於葛缺堯知其賢遜以帝位公聞之乃臨河洗耳每飲無格器以手捧水或遺一瓢得以操飲飲訖挂木上風吹歷歷有聲公以為煩去之死後堯謚曰其公按樂史寰宇志杭州靈隱山公嘗

欽定四庫全書

錢塘先賢傳贊

隱於此入志忘歸因名曰稽留山今中天竺山是也昌化縣西

北六十里有千頃山父老亦相傳云公故居縣境又有

溪名洗耳灘事見莊子疏并贊曰逸士傳臨安志

一身蘧廬萬物土宜黃屋垂裳何有於我洗耳之泉晝

夜不舍稽留之山可眇天下

漢嚴先生

先生字子陵諱光一諱遵少有高名與光武同遊學及光武即位先生乃變名姓隱帝思其賢物色訪之齊國

言有男子披羊裘釣澤中帝疑乃備安車玄纁遣使聘

之三反而後至車駕幸其館光卧不起帝即卧所撫其

腹曰咄咄子陵不可相助為理邪先生良久熟視曰昔

唐堯著德巢父洗耳士故有志何至相迫乎帝歎息而

去復引入論道舊故因共偃臥以足加帝腹明日太史

奏客星犯御坐帝笑曰朕故人嚴子陵共卧耳除為諫

議大夫不屈乃耕於富春山富春今為富陽縣後人名其釣處

為嚴陵濶年八十終於家事見後贊曰漢書

欽定四庫全書

錢塘先賢傳贊

甄殷陶周起渭去華先生奚為畢世隱淪西都之季氣

節不伸以此助理匪潔其身

吳將軍凌公

將軍字公績諱統餘杭人孫權征江夏時呂蒙敗其水

軍而將軍為前鋒先搏其城於是大獲權以為承烈都

尉與周瑜等拒破曹操於烏林雖在軍旅親賢接士輕

財重義有國士之風從往合肥時權徵軍魏將張遼等

奄至將軍率親近三百人陷圍扶扞權出敵已毀橋橋

之屬者兩板復還戰左右盡死身被創度權已免乃還
痛親近無反者悲不自勝權引袂拭之謂曰公績亡者
已矣苟使卿在何患無人拜偏將軍病卒權聞之拊床
流涕使張承爲作銘誄二子年數歲權養於宮客進見呼
示之曰此吾虎子也事見三國志贊曰
蟻視曹瞞霆掃鋒螳翼蔽仲謀脫危虎尾忠不顧身有
實無二豈曰兵家爲古國士

晉文正范先生

欽定四庫全書

錢塘先賢傳贊

三

先生字子安諱平錢唐人研覽墳素遍該百氏姚信賀
邵之徒皆從受業吳時舉茂才累遷臨海太守政有異
能孫皓初謝病還家崇悅儒學吳平太康中頻召不起
年六十九卒有詔追謚文正先生賀循勒碑紀其德行
事見晉書贊曰

涵今茹古殫見洽聞津航學海從者如雲周粟雖甘其
忍去殷文正之謚汗簡流芬

晉中尉褚公

公字季雅諱陶錢唐人少而聰慧清溪閑默以墳典自
娛年十三作鷗鳥水碓二賦見者奇之嘗謂所親曰聖
賢備在黃卷中捨此何求州郡辟不就吳平召補尚書
郎張華見之謂陸機曰君兄弟龍躍雲津顧彥先鳳鳴
朝陽謂東南之寶已盡不意復見褚生機曰公但未覩
不鳴不躍者耳華曰故知延門之德不孤川嶽之寶不
匱矣遷九真太守轉中尉卒事見晉書贊曰
龍躍鳳鳴人物之盛雖有他樂亦不敢請晚覲清姿瞿
然興敬吾善者機心會神領

欽定四庫全書

錢塘先賢傳贊

四

晉孫先生

先生字文度諱晷富春人恭孝清約學識有理義每獨
處幽闇之中容止瞻望未嘗傾邪躬親壺畝誦詠不廢
欣然獨得父母起居嘗饌不離左右富春道經江川父
難於風波每乘籃輿躬自扶持兄嘗篤疾經年躬侍藥
石聞人之善欣若有得聞人之惡慘若有失見人飢寒
並周贍之寒同衾食同器年饑人有刈其稻者先生自

川送與鄉鄰感愧司空何充檄爲揚州主簿司徒蔡謨
辟爲掾屬並不就卒年三十八朝野嗟痛之事見晉書贊曰
造物與游盡性窮理閭室不欺佩仁服義禹稷同道飢
溺猶已天壽其年如顏之死

宋龍驤行軍卜壯侯

侯史逸其字諱天與餘杭人善射容貌嚴毅文帝使教
皇子射元嘉中爲廣威將軍領左細仗元凶劬入弑事
變倉卒舊將羅訓徐牢皆望風屈謝侯不暇被甲執刀
欽定四庫全書

魏書光武傳贊

五

持弓疾呼左右出戰徐牢曰殿下入汝欲何爲侯罵曰
只汝是賊手射劬於東堂幾中逆徒擊之臂斷乃見殺
孝武即位贈龍驤行軍益州刺史諡曰壯侯事見南史贊曰
惟節與誼天下大開景景龍驤爲人所難死輕鴻毛名
重泰山兇徒逆僞胡不厚顏

宋范先生

先生史逸其字諱叔孫錢唐人少而仁厚周窮濟急里
人疾病必躬往卹療或貧無藥餌饘粥資皆給之不吝

所獲全活者甚衆歲饑民多疫里有父母兄弟同時死
者數家喪屍經日不收親隣畏遠莫敢營視先生悉備
棺槨親往殯瘞鄉曲貴其義行莫有呼其名者宋孝武
孝建初除竟陵王國中軍不就卒事見南史贊曰
世降俗漓貨力爲已隣有急難而不視溫溫德人藥
疾樞死榆陰孟亭必恭敬止

齊褚先生

先生字元璩諱伯玉錢唐人少有隱操寡嗜欲年十八
欽定四庫全書

魏書光武傳贊

六

父爲之婚婦入前門先生從後門出遂往剡居瀑布山
性耐寒暑三十餘年隔絕人物王僧達爲吳郡堅禮致
之至郡信宿交數言而退宋散騎常侍樂詢行風俗表
薦之召聘本州議曹從事不就齊太祖即位手詔吳會
二郡以禮迎遣辭以疾敕於剡中白石山立太平館居
之卒年八十六事見北史贊曰

瀑布長虹難比其潔剡山白石莫抗其節蒲壁空還不
受羈紲館巖之阿太平日月

齊顧先生

先生字景怡一字元平諱歡鹽官人家貧鄉中有學舍無以受業於舍壁後倚聽無遺忘者夕則然松節讀書或然糠自照及長篤志不倦母亡水漿不入口六七日遂隱不仕於剡天台山開館聚徒受業者常百人請詩至哀哀父母軌執書慟泣受學者廢蓼莪篇齊高帝輔政辟爲揚州主簿及踐阼乃至稱山谷臣進政綱一卷優詔稱美東歸賜麈尾素琴永明元年召爲太學博士

欽定四庫全書

齊書

七

不就卒於剡山

事見贊曰

寒松怪節殘膏腹筍蓼莪廢詩晉夏是似山谷諫編蛛網金匱南風帝琴草堂流水

齊杜先生

先生字景齊諱京產錢唐人少恬靜閉意榮宦專修黃老郡命主簿州辟從事稱疾去孔珪陸澄沈約表薦之以奉朝請召不至於會稽日門山聚徒教授建武中召爲員外散騎侍郎先生曰莊生持釣豈爲白璧所回辭

疾不就卒子諱栖字孟山刺史齊豫章王巖辟議曹從

事以父老歸養父亡水漿不入口七日晨夜不罷哭朔

望節歲絕而復續嘔血數升至祥禋暮夢見其父慟哭

而絕

事見贊曰

軒冕市朝醺雞舞甕肥遜丘園道義爲重子亦謝官救

水歸奉橋梓俱零死生同夢

梁太中大夫范公

公字子元一字穎彥諱述曾錢唐人幼好學從餘杭呂

欽定四庫全書

齊書

八

道惠受五經道惠曰此子必爲王者師齊高帝引爲文

惠太子師友遷太子步兵校尉公爲人審諤在官多所

諫爭太子左衛率沈約以方汲黯明帝即位爲永嘉太

守爲政清平不尚威猛毗俗便之勵志清白不受饋遺

明帝下詔褒美召爲游擊將軍郡送故舊錢二十餘萬

一無所受唯得白桐木火龍朴十餘枚而已公生平奉

祿皆以分施及老壁立無資梁時爲太中大夫卒

事見南史

贊曰

帝師之學惜不逢時謬謬忠諫汲直之遺秩二十石秋
毫無私家徒壁立萬古清規

梁范先生

先生字伯珪一字長玉諱元琰錢唐人父死方童孺哀
慕盡禮及長好學博通經史然謙敬不以所長驕人祖
母患癰常自含吮與人言常恐傷物居家不出城市雖
獨居如對賓客家貧以園蔬為業嘗出行見人盜其菰
遽退走母問盜者為誰答曰向所以退畏其愧恥今啓

欽定四庫全書

錢塘先賢傳贊

九

其名願不泄也或有涉溝盜筍者因伐木為橋以度之
盜大慙一鄉無復草竊齋建武初召為曹武叅軍梁天
監九年揚州刺史臨川王宏辟命皆不至卒於家

事見南史

贊曰

抱甕生涯山澤臞儒匿瑕之德熏浹里閭跨齋歷梁蕭
然隱居孰云好爵不如園蔬

梁記室褚公

公史逸其字諱脩錢唐人父仲都善周易為當時之冠

梁天監中歷五經博士武陵王紀為揚州引為宣惠參

軍兼記室公少傳父業性至孝父喪毀瘠過禮及丁母

憂水漿不入口二十三日每號慟輒嘔血遂以毀卒

事見

南贊曰

贍探義文學鄙歆向孝通於天日嚴以敬溢米廢殮苦
廬滅性超絕古今冠冕百行

唐太常卿褚康公

公字希明諱亮錢唐人少警敏博覽圖史一經目輒誌

欽定四庫全書

錢塘先賢傳贊

十

於心太宗為秦王時授王府文學高祖獵親格虎慙
致諫王每征伐公在軍中有裨輔之益貞觀中累遷散
騎常侍封陽翟侯卒年八十八贈太常卿諡曰康陪葬
昭陵初太宗為天策上將軍寇亂稍平乃作文學館收
聘賢才訪以政事討論墳籍於是公與杜如晦房玄齡
等咸在選號十八學士命圖其像使公為之贊天下慕
向謂之登瀛洲

事見唐書贊曰

潛龍將翔霧雨先集貂珥蟬聯康濟鴻業鳩杖之歸遺

恨黃閣蒼梧白楊始終遇合

唐太尉褚公

公字登善諱遂良康公子太宗將有事泰山公諫詔罷封禪還諫議大夫兼知起居事帝欲自討遼東公固勸無行帝寢疾召公曰漢武帝寄霍光劉備託諸葛亮朕今以太子委卿矣高宗即位拜右僕射帝將后武昭儀公入諫曰先帝疾嘗語臣我兒與婦今付卿德音在陛下耳可遽忘之皇后無過不可廢且昭儀昔事先帝身

欽定四庫全書

魏徵先賢傳贊

十三

接帷第今后之奈天下耳目何因致笏殿階叩頭流血曰還陛下此笏丐歸田里帝大怒左遷潭州都督貶愛州刺史卒德宗追贈太尉

唐書見贊曰

受遺老臣立朝孤忠事有至難追恤我躬逐魄湘水胎禍漢宮委階之笏光摩蒼空

唐禮部尚書褚文公

公字宏度諱無量鹽官人刻意墳典尤精禮司馬史記擢第除國子博士中宗將南郊祝釐明建言皇后爲亞

獻公固爭以爲郊祀國大事其折衷莫如周禮后不應助祭惟漢有天地合祭皇后參享事末代黷神事不經見不可爲法遷左散騎常侍母喪廬墓左鹿犯所植松栢公號訴曰山林不乏忍犯吾宰木邪自是羣鹿不復振觸公爲終身不御其肉喪除復故官帝將幸東都而太廟壞姚崇言廟本符堅故殿不宜罷行公鄙其言乃上疏諫以爲不足聽卒贈禮部尚書諡曰文

唐書見贊曰

欽定四庫全書

魏徵先賢傳贊

十三

鹿攸伏惟孝惟忠其人如玉

唐荊州大都督許公

公史逸其字諱遠新城人寬厚長者明吏治祿山反或薦於玄宗拜睢陽太守張巡拔衆至睢陽與公合祿山死慶緒遣尹子琦將勁兵十餘萬攻睢陽公自以材不及巡請裏軍事而居其下專治軍糧戰具子琦敗詔拜侍御史子琦復圍城公與巡親鼓之賊潰追北數十里七月賊復圍城城中食盡士多餓死巡殺愛妾公亦殺

奴僮以哺卒至羅雀掘鼠煮鎗甲以食賊知外援絕圍益急十月城陷公與巡俱執初子瑜議生致一人慶緒所乃送公洛陽至偃師不屈死詔贈荊州大都督立廟睢陽歲時致祭大中時圖像凌烟閣今新城有忠烈侯廟贊曰氣吞軋犖屈事髯張鯁賊喉牙爲國金湯壯義士魂兮故鄉名存忠烈廟食相望

唐章先生

先生史逸其字諱成緬於潛人貞元八年喪母廬於墓

欽定四庫全書

錢塘先賢傳贊

十三

側手植松柏十五年墳側生紫芝十三莖烏鵲來巢麋鹿共處長吏以聞十七年四月勅旌表門閭賜粟帛州縣存問復賦稅按唐書孝友傳序唐二百八十八年天下以孝悌名通朝廷者凡一百五十有八皆得書於史官內餘杭郡居者三人先生與何公方公是也何公諱公升方公諱宗史皆稱事親居喪著至行事實無考今附見於此贊曰

終唐之世垂三百年於杭大州得三人焉孝通神明維

德之全殺青闕文我永其傳

後梁吳越王武肅錢公

武肅字具美諱鏐臨安人幼時與羣兒戲大木下指麾號令皆有法羣兒憚之及壯善射與槊黃巢掠浙東武肅出奇兵邀擊巢不敢犯臨安劉漢宏遣弟漢宓屯西陵武肅率十八都兵所其營又與漢宏遇戰大敗之遂破越州董昌反武肅遣顧全武攻昌執昌歸杭州昭宗拜爲鎮海鎮東軍節度使加檢校太尉中書令賜鐵券

欽定四庫全書

錢塘先賢傳贊

十四

詔圖形凌烟閣武肅游衣錦城宴故老山林皆覆以錦梁太祖即位封吳越王游衣錦軍作還鄉歌曰三節還鄉兮挂錦衣父老遠來相追隨牛斗無李人無欺吳越一王駟馬歸卒年八十一諡武肅事見五代史贊曰匹馬一呼奄有吳會積而藏之百年有待子孫其昌生民永賴錦衣故城山川不改

後梁給事中羅公

公字昭諫諱隱新城人連舉進士不中遜於池之梅根

浦池守實瀟營墅居之唐光啓中錢武肅治吳越辟爲從事既又表薦爲錢塘令梁開平中魏博羅紹威表授給事中年八十餘終於餘杭公性傲睨好譏評人物爲詞章有氣力工於詩與同姓虬鄴齊名時人號三羅令孤絢鄭畋李蔚尤敬愛之舊置江常有二氣夜旦天後因公與杜建徽生氣不復見議者以爲文武秀氣所鍾公著謏書六十篇詩號甲乙集行於世錢唐縣治有公手植海棠云贊曰

欽定四庫全書

錢塘先賢傳贊

十五

浣西草堂白髮叅謀奇骨非媚與俗爲仇置江百篇擬度驂駟異世一轍汗漫天游

後宋秦王忠懿錢公

忠懿字文德諱俶武肅孫也漢乾祐初襲封吳越王太祖受命遣子入貢王師討江南以爲東南招撫制置使李煜貽書曰今日無我明日豈有君忠懿不答以書來上率兵拔常州又遣將平潤州來朝京師歸國視事功臣堂徙坐東偏曰西北神京在焉天威不遠顏咫尺豈

敢寧居乎太宗即位忠懿來朝以十三州表獻闕下詔封淮海國王改賜寧淮鎮海崇文耀武宣德守道功臣瑞拱元年八月卒是夕有大星墜正寢追封泰國王諡忠懿忠懿雖極富貴性儉素自奉甚薄常服大帛之衣幃帳茵褥皆用紫純云事見贊曰

宋吏部侍郎即公

欽定四庫全書

錢塘先賢傳贊

十六

公字叔廉諱簡臨安人幼貧借書錄誦中進士第爲福清令浚石塘陂溉廢田百餘頃邑人祠之調隨州推官召對真宗曰歷官無過而無一人薦是必恬退者特改祕書省著作佐郎知滕州興學養士一變其俗滕自是始有舉進士者歷知泉明越諸州以尚書工部侍郎致仕卒年八十九贈吏部侍郎公性和易喜賓客即錢唐城北治園廬自號武林居士見人有疾病必求療之鄉人慕其德孫沔知杭州榜其里門曰德壽坊後改仁壽

事見贊曰
國史贊曰

名遺公車萬衆知已膏馥詩書嶺嶠洙泗邀頭倦游宴
林楔泥鑿國刀圭乃砭州里

宋知制誥謝公

公字希深諱絳富陽人天聖中河決滑州公上疏曰按
洪範京房易傳政令逆時水失其性則壞國邑傷稼穡
比來干邪者易進守道者數窮政出多門俗喜由徑願
下詔引咎勿崇私恩更進直道辭甚切至徙三司度支

欽定四庫全書

錢塘先生贊

上

判官請罷內降凡詔令皆由中書樞密院然後行擢知
制誥判吏部流內銓太常禮院吏部舊擬官職田多不
均公數其實以多寡爲差至今便之使契丹還請知鄆
州卒公以文學知名一時爲人修潔醞藉所至大興學
舍嘗請諸郡立學好施宗族喜賓客卒之日家無餘貲
事見贊曰
國史贊曰
決河之諫砥柱頽波爰田之均槩量取禾象璜衆建子
衿肩摩乃言底績其德不瑕

宋諫院錢公

公字子高諱彥達父易弟明逸暨公並舉賢良方正能
直言極諫科公遂以太常博士擢尚書祠部員外郎知
潤州時旱蝗民乏食公發常平倉振拯之即使者詰其
專且擅價公不爲屈召爲右司諫請罷數赦擇牧守增
奉入以養廉吏息土木以省功費遷起居舍人直集賢
院知諫院時楊懷敏妄言契丹宗真死乃除入內副都
知內侍黎用信以罪竄海島赦歸遽得環衛官許懷德

欽定四庫全書

錢塘先生贊

上

高年未謝事公上疏極論之及言楊景宗郭承祐闖茸
小人宜廢不用多見聽納公性豪邁其任言職數有建
明後卒於官
事見贊曰
國史贊曰

大科異等一翁二季白眉最良德稱其位玉立朝紳霜
清諫紙聲聲如公百年有幾

宋和靖林先生

先生字君復諱通錢唐人少孤立志爲學放游江淮歸
結廬於西湖之孤山真宗聞其名賜粟帛詔州縣長吏

歲時勞問先生有隱操居西湖二十年足跡不至城市
善行草爲詩孤峭澄淡藁就輒棄去或謂先生何不錄所
著以傳後先生曰吾終志林泉尚不欲取名於時況後
世乎先生不要無子卒年六十一仁宗賜諡曰和靖先
生先生將終有詩云湖上青山對結廬墳前脩竹亦蕭
疎茂陵它日求遺草猶喜曾無封禪書詩集今行於世
先生葬舍側紹興中建四聖殿於孤山凡冢隧悉遷之
詔特存先生墓且命加旌表云

事見贊曰

欽定四庫全書

錢塘先賢傳贊

十五

志耽林壑清畏人知爾梅多事漏吾天機長風孤鶩秋
鶴與飛山高水深無成無虧

宋翰林學士沈公

公字文通諱構錢唐人祖蔭補郊社齋郎舉進士第一
大臣疑已仕者不得爲第一乃置第二後遂爲故事累
遷知制誥出知杭州英宗召見勞問除龍圖閣直學士
知開封府遷右諫議大夫翰林學士羣牧使丁母憂上
惜其去賜黃金百兩公居喪日一食既葬廬墓側以卒

纔四十歲公爲人俊敏通世務抗公鄉郡也郡人有貧
不能葬及女子孤無以嫁者以公使錢葬嫁數百人倡
優養良家女爲已子者奪歸其父母令行禁止事至立
斷衆駭服屏息不敢犯其治開封亦然

事見國史贊曰及臨安志

伊昔繡游駭耀閭里而公之歸仁及生死觀花日斜隨
柏風起哲人其萎命也天只

宋太中大夫錢公

公字醇老諱藻武肅五世孫幼刻厲爲學慈聖后臨朝
欽定四庫全書

錢塘先賢傳贊

王

公三上書乞還政歷同知起居注知制誥樞密直學士
知開封府平居樂易無崖岸而居官獨守繩墨爲政簡
靜有條理不肯徇世取顯數求罷改翰林侍讀學士知
審官東院卒神宗知其貧特賻錢五十萬贈太中大夫

事見贊曰國史贊曰

翩翩王孫侃侃儒素國有大疑庭抗三疏平生美官一
寒如故何以贈終知者明主

宋龍圖閣學士陸公